

Դրամաշնորհային հաշվետվություն N_4_

1. Ընդհանուր տեղեկատվություն

Ծրագրի անվանում	«Տարեցների և (կամ) հաշմանդամություն ունեցող անձանց տնային պայմաններում խնամքի ծառայություններ»
Դրամաշնորհի N	ԴՏՊ-1032-11002/23-ԱԱ
Դրամաշնորհատու կազմակերպություն	ՀՀ ԱՍՀՆ
Դրամաշնորհառու կազմակերպություն	«Արմավիրի զարգացման կենտրոն» ՀԿ
Ծրագրի իրականացման ժամանակահատված	01.01.2023-31.12.2023
Հաշվետու ժամանակահատված	01.10.2023-31.12.2023
Ներկայացման օր	15.12.2023
Հաշվետվության պատասխանատու (անուն, ազգանուն, պաշտոն)	Նաիրա Առաքելյան, ՀԿ Նախագահ

2. Բովանդակային հաշվետվություն

2.1 Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

Ծրագրի հաշվետու ժամանակահատվածում իրականացվել են հետևյալ գործողությունները.

- **Շահառուների կարիքների գնահատում.** Հաշվետու ժամանակահատվածում իրականացվել է 2 շահառուների կարիքների գնահատում համապատասխան մեթոդաբանությամբ, որի արդյունքում ստացել ենք հստակ նկարագիր շահառուների կարիքների վերաբերյալ: Նրանք Արմավիր քաղաքի բնակիչներ են՝ տարեց և/կամ հաշմանդամություն ունեցող անձիք:
- **Անհատական սոցիալական ծրագրի մշակում.** Գնահատման արդյունքում սոց.աշխատողի գլխավորությամբ թիմի կողմից մշակվել է յուրաքանչյուր շահառուի անհատական սոցիալական ծրագիր, որի արդյունքում յուրաքանչյուր շահառուի համար արդեն առկա է հստակ ծրագիր/պլան, որի հիման վրա մատուցվում են անհրաժեշտ ծառայությունները:
- **Շահառուների հետ պայմանագրերի կնքում.** Կարիքները գնահատված շահառուների հետ կնքվել են ծառայությունների մատուցման պայմանագիր, որը թույլ է տալիս ունենալ իրավական կարգավորում ծառայություն մատուցողի և ծառայություն ստացողի միջև:
- **Ամենօրյա խնամքի ծառայությունների մատուցում.** Ըստ շահառուների հետ կնքված պայմանագրի, ծառայությունների մատուցման ժամանակացույցի և անհատական սոցիալական ծրագրի՝ ծրագրի հաշվետու ժամանակահատվածում շահառուներին մատուցվել են խնամքի անհրաժեշտ ծառայություններ շահառուների տանը՝ կենցաղային սպասարկում, բժշկական օգնություն և սպասարկում, սոցիալական խորհրդատվության տրամադրում:

Սոցիալական աշխատողը հաշվետու ժամանակահատվածում երկու նոր շահառուներին ծանոթացրեց ծրագրային թիմի աշխատակիցների հետ, աշխատանքային բովանդակության հետ: Սոցիալական աշխատողը 9 շահառուի աջակցել է սոցիալական նպաստի տարեկան փաստագրաման

համար անհրաժեշտ փաստաթղթերը և դիմումներ ներկայացնել Արմավիրի ՄՍԾ:

Հաշվետու ժամանակահատվածում 5 շահառուի համար սոցիալական աշխատողը ՄՍԾ է ներկայացրել անհրաժեշտ փաստաթղթերը եռամսյակային հրատապ օգնություն ստանալու նպատակով: Սոցիալական աշխատողը աջակցել է երկու թոշակառուի, որպեսզի նրանց թոշակի տրամադրումը կանխիկ եղանակից անցնի անկանխիկ վճարման եղանակի: Սոցիալական աշխատողը բուժքրոջ հետ միասին մեկ շահառուի աջակցել է աջակցող միջոցների ստացման հարցում: Համագործակցելով համայնքապետարանի սոցիալական աջակցության բաժնի հետ, երկու տարեց ստացավ ֆինանսական աջակցություն: Սոցիալական աշխատողի միջնորդությամբ 2 տարեց Կարմիր Խաչից ստացավ սննդի փաթեթներ:

Բուժքույրերի կողմից կազմակերպվել է բժշկի կոնսուլտացիա, անալիզների ընդունում, միջմկանային ներարկումներ, ուղեկցել են շահառուներին տեղամասային պոլիկլինիկա: Բուժքույրը սոցիալական աշխատողի հետ միասին 5 տարեցի ուղեկցել են հիվանդանոց հետազոտման նպատակով: Կազմակերպվել է մեկ տարեցի համակարգչային շերտագրում հետազոտություն: Կատարվել է լաբորատոր հետազոտություն, նյարդաբանի, ոսկրաբանի, ականջաբանի և տեղամասային բժշկի կոնսուլտացիա: Նշանակվել է դեղորայք: Մեկ տարեցի ուղեկցել են տեղամասային պոլիկլինիկա ականաբույժի կոնսուլտացիա: Կազմակերպվել է տնային բժշկի այցելություն, լաբորատոր հետազոտություններ, մաշկաբանի կոնսուլտացիա, նշանակվել է դեղորայքային բուժում: Կատարվել է սրտաբանի տնային այց, կատարվել է սրտի ուլտրաձայնային հետազոտություն: Մեկ տարեցի համար կազմակերպվել է վիրաբույժի տնային կանչ, նշանակվել է ստացիոնար բուժում: Ստացիոնար բուժումը ստանալուց հետո, բուժքույրը տնային պայմաններում կատարել է հետվիրահատական վիրակապություններ և կարանյութերի հեռացում:

Ծրագրի շրջանակներում բուժքույրերը շարունակում են տեղամասային պոլիկլինիկայից անվճար ստանալ համապատասխան դեղորայք:

Կենցաղային աշխատողներն իրականացնում են շահառուի անհատական պլանով նախատեսված այցելություններ, կատարում են կենցաղային սպասարկում, տան մաքրություն, գնումներ, ըստ պլանի մշակված այլ գործողություններ՝ անհատական կարիքներին համապատասխան:

2.2 Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների , նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

Ծրագրային բոլոր գործողությունները հաշվետու ժամանակահատվածում իրականացվել են համաձայն աշխատանքային պլանի:

Հաշվետու ժամանակահատվածում իրականացվել են ծրագրային նախատեսված արդյունքները հետևյալ չափով.

- Ամսական 47 տարեց և հաշմանդամություն ունեցող անձանց տնային խնամքի ծառայությունների մատուցում,
- Սոցիալական ծառայության տրամադրում խնամքի կարիք ունեցող, կյանքի դժվարին իրավիճակում հայտնված՝ տարեց և/կամ հաշմանդամություն ունեցող 18 տարին լրացած անձանց:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

Հաշվետու ժամանակահատվածում մատուցվող ծառայությունների մասին տեղեկատվություն է դրվել ԱԶԿ ՀԿ-ի սոցիալական էջում

<https://www.facebook.com/watch/?v=310695928436000>

<https://www.facebook.com/reel/1415991619332941>

2.3 Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

Հաշվետու ժամանակահատվածում ծրագրի իրականացման էական խոչընդոտներ չեն գնահատվել:

2.4 Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

Շահառուների ցուցակը կցված է հաշվետվությանը:

Քանի որ ներկայացվող հաշվետվությունն այս տարվա վերջին հաշվետվությունն է, հաջորդ ժամանակահատվածի համար դեռևս գործողություններ պլանավորված չեն:

2.5 Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

- Ծրագրի շրջանակներում շարունակում ենք համագործակցությունը հովանավորների հետ, ովքեր մեր տարեցների ծննդյան օրը նվիրում են անվճար տորթեր, անվճար կտրում և խնամում են շահառու տարեցների մազերը: Ունենք նոր հովանավոր, ով մեր տարեցների ծննդյան օրը նվիրում է ծաղիկներ: